



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-1-40-330-4/24**

Datum: **09.09.2024. godine**

«Agencija za vodno područje rijeke Save» Sarajevo rješavajući po zahtjevu Investitora „HEEZ TRANSPORT“ d.o.o. Tuzla, za izdavanje prethodne vodne saglasnosti za aktivnost ispuštanja tehnoloških otpadnih voda sa lokacije poslovno-proizvodnog objekta u sklopu kojeg će se vršiti proizvodnja aluminijske i PVC stolarije u poslovnoj zoni Kreka-sjever, Grad Tuzla na osnovu člana 139. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

RJEŠENJE

1. Odbija se zahtjev Investitora „HEEZ TRANSPORT“ d.o.o. za prevoz, promet i usluge Tuzla, za izdavanje prethodne vodne saglasnosti za aktivnost ispuštanja tehnoloških otpadnih voda sa lokacije poslovno - proizvodnog objekta u sklopu kojeg će se vršiti proizvodnja aluminijske i PVC stolarije u poslovnoj zoni Kreka-sjever koji se planira graditi na zemljištu označenom kao k.č. broj: 1474 i 1478 K.O. Tuzla IV, Grad Tuzla, s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ukoliko tokom korištenja objekta dođe do promjene namjene istog, a pri čemu će dolaziti do produkcije i ispuštanja tehnoloških otpadnih voda u površinske vode ili okoliš, Investitor je dužan da pribavi vodne akte od nadležnog organa.

Obrazloženje

Investitor, „HEEZ TRANSPORT“ d.o.o. za prevoz, promet i usluge Tuzla, se dana 03.07.2024. godine obratio ovoj Agenciji sa zahtjevom bez broja za izdavanje rješenja o prethodnoj vodnoj saglasnosti za aktivnost ispuštanja tehnoloških otpadnih voda sa lokacije poslovno- proizvodnog objekta u sklopu kojeg će se vršiti proizvodnja aluminijske i PVC stolarije u poslovnoj zoni Kreka-sjever koji se planira graditi na zemljištu označenom kao k.č. broj: 1474 i 1478 K.O. Tuzla IV, Grad Tuzla.

U provedenom postupku dostavljena je i pregledana sljedeća dokumentacija:

- Ovjereni izvodi iz sudskog registra od 27.06.2024. godine izdati od općinskog suda u Tuzli;
- Ovjereni katastarski plani, razmjera 1:1000, broj plana 86., UR broj: 07-27-3712/2024-2 od 08.05.2024. godine izdati od Službe za geodetske i imovinsko-pravne poslove, Grad Tuzla;
- Ovjereni zemljišnoknjižni izvodi, zk.uložak broj: 458, broj: 9041/2024 K.O. Tuzla IV izdati od Općinskog suda u Tuzli;
- Ovjereni zemljišnoknjižni izvodi, zk.uložak broj: 2845, broj: 9040/2024 K.O. Tuzla IV izdati od Općinskog suda u Tuzli;
- Izvod iz prostornog plana Tuzlanskog kantona broj: 06/18-19-7753/2024 SR od 10.05.2024. godine izdati od Službe za prostorno uređenje i zaštitu okoline, Grad Tuzla;
- Dostavljanje podataka iz prostornog plana broj: 06/18-19-7753/2024 SR od 23.05.2024. godine izdati od Službe za prostorno uređenje i zaštitu okoline, Grad Tuzla;
- Punomoć;
- Kopija Saglasnosti da planirani poslovni kompleks ima mogućnost priključenja na javnu vodovodnu i kanalizacionu mrežu broj: 3235/24 od 30.05.2024. godine izdati od JKP „Vodovod i kanalizacija“ d.o.o., Tuzla (prilog u Studiji);
- Kopija Saglasnosti da planirani poslovni kompleks se neće izvoditi u zoni sanitarne zaštite izvorišta vodosnabdijevanja ili u neposrednoj blizini drugih vodnih objekata broj: 3236/24 od 30.05.2024. godine izdati od JKP „Vodovod i kanalizacija“ d.o.o., Tuzla (prilog u Studiji);

- Studija za izdavanje prethodne vodne saglasnosti za poslovni objekat koji se planira graditi u poslovnoj zoni „Kreka“ u Tuzli, broj: 10-93-3171/24, Juni 2024. godina urađena od „TQM“ d.o.o. Institut za kvalitet, standardizaciju i ekologiju, Lukavac;
- Dokaz o uplaćenju upravnoj pristojbi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Uvidom u dostavljenu Studiju je utvrđeno da ista nije urađena u skladu a članom 3. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“ broj: 31/15, 55/19, 41/20 i 63/22) u dijelu „Opis procesa i aktivnosti rada u planiranom objektu“ te je vraćena na dopunu aktom broj: UP-1/21-1-40-330-2/24 dana 29.08.2024. godine.

Na osnovu dostavljene dokumentacije, Studije za izdavanje prethodne vodne saglasnosti i mišljenja tehničke struke utvrđeno je sljedeće:

- Lokacija objekta se nalazi na parceli označenoj kao k.č. broj: 1474 i 1478 K.O. Tuzla IV, Grad Tuzla.
- U sklopu poslovno-proizvodnog objekta će se vršiti proizvodnja aluminijske i PVC stolarije u poslovnoj zoni Kreka-sjever.
- Za predmetni objekat izdata je Saglasnost za mogućnost priključka objekta na javnu vodovodnu i kanizacionu mrežu, broj: 3235/24 od 30.05.2024. godine izdata od JKP „Vodovod i kanalizacija“ d.o.o., Tuzla.
- Za predmetni objekat je izdata Saglasnost da planirani poslovni kompleks se neće izvoditi u zoni sanitarne zaštite izvorišta vodosnabdijevanja ili u neposrednoj blizini drugih vodnih objekata broj: 3236/24 od 30.05.2024. godine izdato od JKP „Vodovod i kanalizacija“ d.o.o., Tuzla.
- U planiranom objektu neće nastajati tehnološke otpadne vode iz procesa rada a kako je to utvrđeno odredbama člana 3. stav 1. tačka (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20).
- Također je utvrđeno da na pripadajućim prometnim površinama ne nastaju oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20).

Kako u predmetnom objektu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20), odnosno nema ispuštanja tehnoloških otpadnih voda u smislu odredbi člana 139. stav 1. tačka (3). Zakona o vodama („Službene novine Federacije BiH“, broj 70/06), u skladu s članom 200. Zakona o upravnom postupku („Službene novine Federacije BiH“, broj 2/98, 48/99 i 61/22) riješeno je kao u dispozitivu rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Remić Dž., dipl.iur.

Po ovlaštenju

Rukovodilac sektora za izdavanje vodnih akata



Nihad Pezo/dipl.inž.građ.

Dostaviti:

- „HEEZ TRANSPORT“ d.o.o. Tuzla
Ismeta Mujezinovića 46, SPO „S“, lamela 2, sprat 15, Tuzla
- ⊖ AVP Sava, ISV-vodna knjiga
- Sektor 40 – arhiva
- Oglasna ploča – AVP Sava